

Item quod deinceps omni tempore Decem Officiales Baliae Comunis Florentiae pro tempore existentes, & seu duae partes eorum aliis etiam absentibus, & irrequisitis, & non existentes Decem Baliae, Domini Priores, & Vexilliferum Iustitiae Populi, & Comunis Florentiae una cum officio Gonfalonierum Societatum Populi, & Duodecim bonorum Virorum Comunis praedicti, & seu duae partes eorum aliis etiam absentibus, & irrequisitis possint semel, & pluries, & quotiescumque Deliberare, Ordinare, Providere, & Disponere de Gubernatione, Regimine, Immunitate, Exemptione, Onerebus, & Factionibus, Favoribus, Custodia, Gratiis, & Beneficiis dicti Comunis Casalis, & de Curia Hominum, & Personarum in genere, & in specie, & pro ut, & sic, & quoties voluerint, aut viderint convenire, & quod de his quae deliberarentur, ordinarentur, vel fierent vigore presentis Capituli in Civitate Florentiae debeat apparere scriptura, quae inde fiat per Scribam Reformationum Consiliorum Populi, & Comunis Florentiae, vel eius Coadiutorem, aut Commissarium, & non per alium quoquomodo.

Acta fuerunt praedicta in Civitate Florentiae in Palatio Populi Florentini in loco Audientiae dictorum Dominorum Decem Baliae praesentibus Ser Paulo Ser Landi Fortini, & Ser Martino Lucae Martini Notariis, & Civibus Florentinis Testibus ad praedicta adhibitis, & vocatis.

Simon Fabbrini Minister Archivii
Palatii Civitatis Florentiae.

NUM. XIII.

Sommessione di Bibbona alla Repubblica Fiorentina.
Ex Libro inscripto Comitatus Pisarum a c. 147.

CAPITULA COMMUNIS BIBBONIS.

IN DEI NOMINE AMEN. ANNO Incarnationis Domini Nostri Jesu Christi Millesimo Quadringentesimo Sexto, Indictione quinta decima secundum cursum, & Morem Florentinorum, die quarto decimo Mensis Januarii Magnifici, & potentes Viri

Bartolus Jacobi Banchi	— — — — —	}
Ridolfus Pauli Lotti	— — — — —	
Antonius Domini Luce de Panzano	— — — — —	
Cionaccius Francisci Baroncelli	— — — — —	

Jo-

Johannes Johannis Aldobrandini — — — — — }
 Miniatus Dini Coreggiarius — — — — — }
 Ceccus Ducci Cecchi Fei — — — — — }
 Gerorzus Francisci de Aleis — — — — — }

Cives honorabiles Florentini Octo de Decem Baliae Magnifici, & Potentis Communis Florentiae absentibus Piero Johannis Firenzis, & Thomafo Dominici de Oricellariis eorum Collegis simul Congregatis in eorum Audientia audita, & intellecta Submissione de praesenti Mense Januarii facta supradicto Officio Dominorum Decem Baliae recipiente pro dicto Comuni Florentiae de Comuni Bibbonis de Maritima Comitatus Pifarum, & de Curia, & Pertinentiis, Hominibus, & Personis dicti Communis Bibbonis in perpetuum per Chellinum Neri de dicto Comuni Bibbonis Syndicum, & Procuratorem, & Sindacario, & Procuratorio nomine dicti Communis, & etiam vice, & nomine dicti Communis Bibbonis. Et audita, & intellecta receptione facta per dictos Dominos Decem Baliae eorum Officio recipientes pro dicto Comuni Florentiae, & ejus vice, & nomine cum Exemptionibus, Immunitatibus, Liberationibus, Gratiis, Honoribus, Favoribus, & Beneficiis, & Capitulis, Partibus, & Articulis, de quibus pro ut, & sicut semel, & pluries, & quotiescunque provisum, ordinatum, deliberatum, & dispositum fuerit per Officium ipsorum Dominorum Decem Baliae, vel eorum successores, aut duas partes eorum. Et auditis Supplicationibus, & Postulationibus factis pluries, & per ipsos Syndicos, & Mandatarios, & pro parte dicti Communis, & Homines, & Personas eorundem. Et attendentes quod dictum Comune, & ejus Curia non propter suum defectum nunc, & non prius venit ad Obedientiam Communis Florentiae, cum ut asseruit dictus Syndicus postquam Comune Florentiae habuit Dominium Civitatis Pifarum, Homines dicti Communis fuerunt semper parati obedire Comuni Florentiae, sed non fuerunt permitti, & postea qui eos tenebat Rebella vit contra Comune Florentiae. Et volentes ipsi Comuni, & ejus Curiae, & eorum Hominibus, & Personis, & pro ut infra scribere Gratias facere de Gratia speciali, & ut recognoscant Comune Florentiae esse suum Dominum, habita super his ad invicem deliberatione solemnique vigore Auctoritatis, & Potestatis eis concessae, & competentis, & omni modo, via, causa, & forma, quibus melius, & efficacius potuerunt, providerunt, ordinaverunt, deliberaverunt, & disposuerunt omnia, & singula infra scripta videlicet.

I. In primis quod dictum Comune Bibbonis cum ejus Curia, Territorio, Hominibus, & Personis in perpetuum intelligatur esse, & sit sub Dominio, Obedientia, Regimine, Imperio, & Gubernatione dicti Magnifici Communis Florentiae, tanquam eorum unici, & veri Do-

ri Domini, & ipsi Comuni Florentiæ, & non alii debeant legaliter & fideliter obedire prout veri Subditi, & Comitativi Comitatus Florentiæ in omnibus tractentur, reputentur, censeantur, & sint.

II. Item quod dictum Comune Bibbonis cum suis Hominibus & Personis intelligatur esse, & sit exemptum, liberum, & immune per tempus duorum Annorum inceptorum die Octavo presentis Mensis Januarii, quo die fuit facta Submissio per Syndicos Supradictos ab omnibus, & Singulis Datis, Prestantiis, Impositis, Gravedinibus, & Factionibus quibuscunque realibus, & personalibus, & ordinariis, & extraordinariis, & mixtis, & pro ipsis non possint, vel debeant gravari, vel aliquo modo molestari in persona, vel bonis quocummodo, & quid quid contraheret, sit irritum, & inane, & de facto revocetur, Salvo tamen, & excepto quod prædicta Exemptio liberatio, & Immunitas non intelligatur pro Gabella Portarum, & ejus membris, nec pro his quæ facerent, vel contraherent extra dicta loca.

III. Item quod dictum Comune Bibbonis, & ejus Homines, & Personæ, vel aliquis ipsorum non possint, nec debeant quocummodo gravari, exigi, vel molestari in persona vel bonis durante tempore Exemptionis dictorum duorum Annorum proxime venturorum, inceptorum die Octavo presentis mensis Januarii tunc suprascripto, salvo pro aliquo debito hætenus contracto vel facto antè dictam diem Octavam presentis Mensis Januarii quocummodo cum aliqua singulari persona, & seu ad quod pro tempore tunc præterito teneretur alicui singulari personæ, & sic p̄s cuilibet eorum possit, & debeat effectualiter observari. Nec in prædictis salvo, & excepto, quod non obstantibus prædictis prædictum Comune Bibbonis, & ejus Homines, & Personæ possint exigi, & gravari pro eo quod declaratum fuerit per Officium Decem Baliæ, & ipsum Comune, & seu ejus Homines, & Personas, vel quoscunque ex eis deberi dare Filio, vel Filiis Comitibus Arrighi della Gherardesca. Ita tamen quod per hoc ipsum Comune, Homines, & Personæ habeant terminum ad solvendum, id quod declaratum fuerit, medietatem per unum Annum ante declarationem, & aliam medietatem per alium Annum post primum proximè futurum,

IV. Item quod dictum Comune Bibbonis, & ejus Curia, & eorum Homines, & Personæ intelligatur esse, & sit exemptum, absolutum, & plenissime liberatum ab omnibus, & singulis Debitis, ad quæ pro tempore prædicto dictum Comune Bibbonis, & ejus Homines, & Personæ, vel aliquis eorum tenentur Comuni Pisarum, & pro aliquo tali Debito teneri non possint, nec debeant gravari, vel aliquo modo molestari.

V.

V. Item quod dictum Comune Bibbonis, & Homines, & Personæ dicti Comunis pro tempore Trium Annorum proxime venturorum habeant, & habere debeant de Salina a Comuni Florentiæ, & seu ejus Officialibus in Civitate, aut Comitatu Vulterræ videlicet unam Quartam Salinæ pro qualibet Testa, & quolibet Anno, & solvantur denarii sex pro qualibet libra dictæ Salinæ, & sic debeat dictum Comune Florentiæ accipere, & eis possit, & debeat dari, & sic effectualiter observari durante dicto tempore trium Annorum, ut superius dictum est.

VI. Item dictum Commune Bibbonis cum suis Hominibus, & Personis debeant pro Comune Florentiæ omni tempore benigne, & gratiose tractari, ut devoti Subditi, & Servitores ipsius Comunis Florentiæ, & considerato quod omnes Homines, & Personæ dicti Comunis Bibbonis fuerunt depredati, & derobati, & etiam certi ipsorum fuerunt interfecti.

VII. Item quod dictum Comune Bibbonis elapsis dictis duobus Annis dictæ eorum Exemptionis teneatur, & debeat solvere, & pagare Comuni Florentiæ, seu Camerario Camerae pro ipso Comuni Florentiæ, seu Camerario Camerae pro ipso Comuni recipienti pro eorum taxa illam quantitatem pecuniæ, de qua deliberatum, ordinatum, seu taxatum fuerit semel, & pluries, & quoties voluerint, & sub illis terminis, & pagis per Magnificos, & Potentes Dominos Priores Artium, & Vexilliferum Iustitiæ Populi, & Comunis Florentiæ una cum Officio Gonfalonierorum Societatum Populi, & Duodecim bonos Viros dicti Comunis, & per duas partes eorum aliis absentibus, & irrequiitis, de qua taxatione fiat scriptura per Scribam Reformationum Comunis Florentiæ, vel eius Coadiutorem, & non per alium.

VIII. Item quod Gabella Vini, & Macelli, & aliæ Gabellæ solitæ esse in dicto Comuni Bibbonis sint, & esse intelligantur dicti Comunis Bibbonis pro dicto tempore duorum Annorum eorum Exemptionis, & ad ipsum Comune pertineant, & expectent pro ipso tempore.

IX. Item quod omnia, & singula Bona, mobilia, & immobilia, ac iura, quæ pertinerent ad ipsum Comune Bibbonis, & seu ipsius essent, & quæ quocunque modo fuissent occupata, vel indebite tenerentur per quemcunque cujuscunque gradus, status, vel conditionis existat, debeant illico restitui, & libere relaxari ipsi Comuni Bibbonis. Et insuper etiam quod ipsum Comune Bibbonis possit, & sibi liceat etiam propria auctoritate ipsa bona, & iura recuperare, apprehendere, & capere, tenere, possidere, usufructare, & exinde ut de propriis facere velle suum, & ad prædictum debeat ipsi Comuni

muni Bibbonis dari auxilium, & favorem per quoscunque Officiales Communis, & pro Communi Florentiæ, & quemlibet ipsorum.

X. Item quod dictum Comune Bibbonis possit exigere, & exigere facere per se omnem pecuniam, & rem quæ sibi debetur a quacunque de Causa, & in hoc detur si favor, & auxilium ut supra.

XI. Item quod Pasturæ Bibbonis, & Prateriæ, quæ ad ipsum Comune Bibbonis pertinerent, prout hactenus pertinebant, & cum eisdem juribus, & non cum maioribus, vel aliis, & in eorum iuribus, quæ habent in dictis Pasturis non debeant impediri, vel molestari.

XII. Item quod quaelibet persona dicti Comunis Bibbonis, quæ inde recessisset, possit redire, & habitare in dicto Communi Bibbonis, & tenere, & possidere omnia sua bona, etiam si sibi fuissent occupata quacunque Causa.

XIII. Item consideratis Guerris præteritis, & damnis, & molestis receptis per Homines, & personas dicti Comunis Bibbonis. Quod ipsi Homines, & Personæ, vel aliquis ipsorum non possint, nec debeant conveniri, exigi, vel gravari in persona, vel bonis pro aliquo Affictu, sive Censu, pro quibus quoquo modo tenerentur pro tempore præterito Domino Archiepiscopo, & quod aliquis Rector, vel Officialis non possit, nec debeat pro prædictis facere, vel inferre, aliquam molestiam, vel gravamen, & quod ipsi Homines, vel Personæ de, & a prædictis intelligantur liberi, & absoluti.

XIV. Item quod dictum Comune Bibbonis, & Homines, & Personæ dicti Comunis intelligantur esse, & sint absoluti, & plenissime liberati ab omnibus, & singulis Condemnationibus, & Bamnis hactenus factis pro quibuscunque Malaficiis, & Excessibus in Civitate vel Districtu Florentiæ, aut in Civitate Vulterræ, aut in Civitate, vel Districtu Pisarum, & pro ipsis Condemnationibus, & Bamnis non possint, nec debeant capi, detineri, aut aliquo modo molestari in persona, vel bonis quoquo modo, & nullam executionem dictæ Condemnationes, & Bamna habere possint.

XV. Item quod dicti Homines, & Personæ de dicto Comuni Bibbonis, & ejus Curia intelligantur esse, & sint absoluti, & plenissime liberati ab omnibus, & singulis Maleficiis, Excessibus, & Delictis hactenus commissis, & perpetratis, etiam quomodocunque gravibus, vel gravissimis, & propterea non possint, nec debeant accusari, denunciari, condemnari, puniri, vel molestari, & quidquid contra fieret sit irritum, & inane, & de facto revocetur.

XVI. Item quod dictum Comune Bibbonis, & Homines, & Personæ dicti Comunis teneantur, & debeant non obstantibus præ-

di-

dictis, & infra scriptis facere omni tempore pro Comuni Florentiæ Exercitus, & Cavalcatas ad mandatum dicti Communis Florentiæ, & Suorum Officialium, sed semper debeat haberi consideratio ad possibilitatem ipsius Communis, & secundum Eorum possibilitatem, ad hæc omni vice procurantur, & non ultra.

XVII. Item quod dictum Comune Bibbonis in signum Obedientiæ, & Subiectionis debeant deinceps in perpetuum quolibet Anno facere per Eorum Syndicum offerre die Nativitatis Sancti Johannis Baptistæ de Mensæ Iunii in Ecclesia Sancti Iohannis prædicti de Florentia ut moris est, & in similibus observatur unum Palium de Serico valoris ad minus Florenorum Octo Auri, & in his debeat observare sub Pena Librarum Quingentarum Florenorum Parvorum pro qualibet vice Comuni Florentiæ applicanda, in qua aliquid de prædictis observetur.

XVIII. Item quod dictum Commune Bibbonis possit semel, & pluries, & quodocunque, & quotiescunque sibi, & pro ipso, & in ipso Comuni facere Statuta, & Ordinamenta pro Regimine, & Gubernatione Ipsorum Hominum, & Personarum pro causis Civilibus, & Criminalibus, quæ Statuta, & Ordinamenta non valeant, nisi postquam approbata fuerunt in Civitate Florentiæ per Magnificos Dominos Dominos Priores Artium, & Vexilliferum Iustitiæ Populi, & Communis Florentiæ & Gonfalonierios societatum Populi, & Duodecim bonos Viros Communis prædicti, vel duas partes Eorum aliis etiam absentibus, & irrequisitis, vel alios Cives Florentinos quos ad hæc semel, aut pluries deputaverint, & quod per Ipsos Dominos Priores, & Vexilliferum Iustitiæ, & Eorum Collegia prædicta, & duas partes Eorum aut alii Cives qui deputati fuerint possint dicta Statuta, & Ordinamenta, & quomodolibet Eorum in totum, & in partem Approbari, Reprobare, & Cassari, & eis addi, Detrahi, & Mutari, & nova Capitula fieri prout, & quoties voluerint, & cum illis modis, limitationibus, & Exemptionibus, mutationibus de quibus Eis, vel duabus partibus Eorum videbitur. Et quod de approbatione, & de omnibus faciendis vigore præsentis Capituli in Comitatu Florentiæ debeat apparere scriptura, quæ inde facta fuerit per Scribam Reformationum Consiliorum Populi, & Communis Florentiæ, vel ejus Coadiutorem, & non per alium, & alias non valeant.

XIX. Item quod deinceps omni tempore Decem Officiales Baliae Communis Florentiæ pro tempore existentes, & seu duæ partes Eorum aliis absentibus, & irrequisitis, & non existentes Decem Baliae Dominorum Priorum, & Vexilliferi Iustitiæ Populi, & Communis Florentiæ una cum officio Gonfalonieriorum Societatum Populi, & Duo-

decim bonorum Virorum Communis praedicti, & seu duae partes Eorum aliis etiam absentibus, & irrequisitis possint semel, & pluries, & quotiescunque Deliberare, Ordinare, Providere, Disponere de Gubernatione, Regimine, & Immunitate, Exemptionibus, Oneribus, Factionibus, Favoribus, Custodia, Gratiis, Benefitiis dicti Communis, & Ejus Curiae Hominibus, & Personis in genere, & in specie pro ut, & sicut & quoties voluerint, aut viderint convenire: Et quod de his quae Deliberaverant Ordinaverant, vel facerant vigore praesentis Capituli in Civitate Florentiae debeat apparere Scriptura, quae inde fiat per Scribam Reformationum Communis Florentiae, vel Ejus Coadiutorem, & non per alium.

Acta fuerunt praedicta in Civitate Florentiae in Palatio Populi Florentiae in Audientia Dominorum Decem Baliae praesentibus Ser Paulo Ser Landi Fortini, & Ser Martino Lucae Martini Notaris, & Civibus Florentinis, Testibus ad praedicta adhibitis, & vocatis.

§ §.

Item postea Anno Incarnationis Domini Nostri Jesu Christi Millesimo Quadringentesimo Nono, Indictione Secunda die Vigesimo quinto Mensis Martii.

Nobiles, & Prudentes Viri.

Bernabas Johannis de Aleis	— — — — —	}
Rossus Pieri Rossi	— — — — —	
Ser Jacobus de Salviatis Miles	— — — — —	
Pierus Jacobi de Baroncellis	— — — — —	
Ser Bartholommeus de Popoleschis	— — — — —	
Nicolaus Nepi de' Spinis	— — — — —	
Jacobus Francisci Cambi	— — — — —	
Leonardus Sylvestri Brigliarus	— — — — —	

Cives honorabiles Florentini Octo ex Decem Officialibus Baliae Communis Florentiae, absentibus Nicolao Johannis de Uzzano, & Luca Manetti de Filicaia Eorum Collegis. Auditis Ambaxiatoribus supradicti Communis Bibbonis dicentibus inter alia quod tempus Duorum Annorum Exemptionis ipsi Comuni Bibbonis concessae in Civitate Florentiae de suprascripto Mense Januarii Anno Millesimo Quadringentesimo Sexto finem habuit de Mense Januarii nunc proxime praeteriti, ac etiam finitum tempus securitatis a Debitis concess-

43

cessae ipsi Comuni Bibbonis, & Ejus Hominibus, & Personis, & similiter de Gabella Vini, & Macelli, & etiam finitum tempus, & dicentibus Damna per Eos in Guerra concepta. Et auditis Eorum Petitionibus, & volentes ipsis Gratiā facere, praemisso, & celebrato secreto Scriptorio, & obtento Partito ad Fabas Nigras, & Albas secundum Ordinamenta vigore Autoritatis, & Potestatis Eorum Officio supra concessae, & omni modo, Via, Causa, & Forma quibus melius potuerunt, Providerunt, Ordinaverunt, & Deliberaverunt omnia, & singula infra scripta, videlicet.

In primis quod supradicta Exemptio, & Immunitas concessa ipsi Comuni Bibbonis, & Ejus Hominibus, & Personis pro Duobus Annis finitis de Mense Januarii proxime praeteriti intelligatur esse, & sit de novo concessa, & ipsum de novo concesserunt pro aliis Duobus Annis, qui intelligantur habuisse initium die Octavo Mensis Januarii proxime praeteriti, cum eisdem modis, effectibus, & conditionibus in superscripto secundo Capitulo contentis.

Item quod Gabella Vini, & Macelli, & aliae Gabellae solitae, de in dicto Comuni Bibbonis ipsi Comuni Bibbonis concessae, ut supra patet pro Duobus Annis intelligantur etiam de novo concessae, & sic concesserunt ipsi Comuni Bibbonis pro aliis Duobus Annis qui intelligantur initium habuisse die Octavo Mensis Januarii nunc proxime praeteriti.

Item quod tempus Duorum Annorum pro securitate a Debitis concessum ipsi Comuni Bibbonis, & Ejus Hominibus, & Personis ut apparet in Tertio Capitulo superscriptorum Capitulorum intelligatur esse, & sit de novo concessum, & ipsum de novo concesserunt ipsi Comuni Bibbonis, & Ejus Hominibus, & Personis pro tempore Trium Annorum qui intelligantur initium habuisse die Octavo Mensis Januarii proxime praeteriti cum hoc tamen effectu inter alia, quod quolibet Anno dictorum Trium Annorum debeant solvere Tertiam partem Debiti, & deficientes in terminis ex nunc graventur, & non habeant securitatem ex tunc.

Item quod tempus Trius Annorum pro quibus ipsum Comune Bibbonis, & Ejus Homines, & Personae debent habere de Salina a Comuni Florentiae, ut in superscripto Tertio Capitulo de superscriptis continetur prorogatur, & illud prorogaverunt pro tempore Unius Anni finitis dictis Tribus immediate proxime sequuturi, & cum eisdem modis, & conditionibus in dicto Capitulo contentis.

Acta fuerunt praedicta in Palatio Populi Florentini Civitatis Florentiae in Audientia dictorum Dominorum Decem Baliae, presentibus Ser Martino Lucae Notario Florentino, & Francisco An-

44
tonii Praeceptore Officii Dominorum Priorum, & Vexilliferi Iustitiae Testibus ad praedicta adhibitis, & vocatis.

§ §.

Item postea Anno Incarnationis Domini Nostri Jesu Christi Millesimo Quadringentesimo Decimo, Indictione Quarta Secundum cursum, & Morem Florentinorum Die Decimo Octavo Mensis Februarii.

Nobiles, & prudentes Viri Domini Decem Baliae tunc in Officio Praesidentes, & in numero sufficienti invicem congregati in Palatio Populi Florentini Civitatis Florentiae in Audientia Eorum Residentiae pro Eorum Officio exercendo; Audito Ambaxiatore Communis Bibbonis de Maritima Comitatus Pisarum Subiecti Comuni Florentiae narrante inter alia in effectu quod tempus Exemptionis pro Comuni Florentiae dicto Comuni Bibbonis, & Suis Hominibus, & Personis concessae ultima vice supra scripto die Vigesimo Quinto Mensis Martii Anno Domini Millesimo Quadringentesimo Decimo ut supra patet pro Duobus Annis finem habuit die Octavo Mensis Januarii nunc proxime praeteriti. Et quod propter Damna per Homines dicti Communis Bibbonis recepta in Guerra facta, ut alias narratum fuit, & verum est dicti Homines, & Personae dicti Communis Bibbonis adhuc non sunt potentes ad supportandum Onera, & ad solvendum dicto Comuni Florentiae pro ut deberent, & vellent. Et audita Supplicatione, & Petitione facta pro parte dicti Communis Bibbonis & examinata per Officium ipsorum Decem Baliae hac materia ut dixerunt. Et habita super his ad invicem deliberatione solemni, & praemisso, & celebrato inter Eos in numero ut dictum est sufficienti invicem congregatos Solemni, & Secreto Scriptione, & ottento Partito ad Fabas Nigras, & Albas Secundum Ordinamenta virtute Auctoritatis, & Potestatis Eis concessae, & competentis, & omni modo, via, & causa quibus melius potuerunt, providerunt, ordinaverunt, & deliberaverunt. Quod supradicta Exemptio, & Immunitas ut supra concessa dicto Comuni Bibbonis, & quod finem habuit die Octavo Mensis Januarii nunc proxime praeteriti intelligantur esse, & sit cum salvo infra scribendo de novo concessa, & ipsam de novo Dederunt, & Concesserunt dicto Comuni Bibbonis, & Ejus Hominibus, & Personis pro tempore Trium Annorum, qui intelligantur initium habuisse die Octavo Mensis Januarii nunc proxime praeteriti, & exinde proxime futurum cum modis, conditionibus, & salvis aliis Ordinamentis, & etiam cum concessione Gabel-

bellarum ipsi Comuni, Bibbonis alias facta, ut supra patet. Et etiam pro dicto tempore Trium Annorum cum solita Concessione, & prae-
tio Salinae, ut in aliis Capitulis de Salina continentibus disponitur,
& sicut alias ordinatur.

Hoc tamen salvo, & Ordinato quod non obstantibus suprascri-
ptis dictum Commune Bibbonis teneatur, & debeat Solvere Como-
ni Florentiae, & Camerariis Camerae Civitatis, & Comunis Flo-
rentiae quolibet, & pro quolibet Anno dictorum Trium Annorum
Libras Centum Florenorum Parvorum in duabus Pagis videlicet de
Sex Mensibus in Sex Menses dictorum Trium Annorum sub paena
Quarti Pluris Auri, quod in termino non solveret. Et pecunia pro
praedictis solvenda mittatur ad Cassam Conducte dictae Camerae
Comunis Florentiae, & non ad alium Introitum, nec in alia Capsa
Mandantes suprascripta effectu aliter observari debita.

Acta fuerunt praedicta in Civitate Florentiae in Palatio, & Au-
diencia sopradictis, presentibus Ser Paulo Ser Landi Notario, &
Marco Niccoli Civibus Florentinis Testibus ad praedicta adhibitis,
& vocatis.

§ §.

Item postea Anno Incarnationis Domini Nostri Jesu Christi Mil-
lesimo Quadringentesimo Tertio decimo, Indictione Sexta, Secundum
Cursum, & morem Florentinorum die Primo Mensis Aprilis.

Magnifici, & potentes Domini Domini Priores Artium, &
Vexilliferi Iustitiae Populi, & Comunis Florentiae, una cum Officii
Gonfalonierorum Societatum Populi, & Duodecim bonorum Virorum
dicti Comunis intellectis, quae coram Eis exposita fuerunt pro par-
te Communis Bibbonis de Maritima Comitatus Pisarum, & hodie
Comitatus Florentiae suprascripti continente in effectu, quod tem-
pus Duorum Annorum suprascriptorum pro quibus tertia vice E-
xemptio concessa fuit dicto Comuni Bibbonis, ut supra patet fi-
nem habuit die Octavo Mensis Januarii nunc proxime praeteriti,
& quod Homines, & Personae de ipso Comuni Bibbonis propter
Damna hactenus recepta ut alias dictum fuit adhuc non sunt po-
tentes ad substinenda Onera pro ut vellent, & essent Eorum inten-
tionis, quam bonam habent erga Commune Florentiae. Et audita
Supplicatione, & Petitione facta cum reverentia pro ipso Comuni
Bibbonis, & volentes dicto Comuni, & Hominibus Gratiam de
novo facere habita super his ad invicem deliberatione Solemni, &
demum inter ipsos Dominos Priores, & Vexilliferum Iustitiae, &
Gon-

Gonfaloneros societatum Populi, & Duodecim bonos Viros in numeris sufficientibus invicem Congregatos in Palatio Populi Florentini Civitatis Florentiae, praemisso, & celebrato Solemni, & Secreto Scrupiteo, & obtento Partito ad Fabas Nigras, & Albas secundum ordinem vigore auctoritatis, & potestatis Eis concessae, & competentis vacante Officio Decem Baliae, & omni modo, Via, Forma, & Causa quibus melius potuerunt, providerunt, ordinaverunt, & deliberaverunt, quod Exemptio, & Immunitas supradicta hactenus dicto Comuni Bibbonis concessa, & prorogata, & quae finem habuit die Octavo Mensis Januarii proxime praeteriti ex nunc intelligatur, & sit de novo concessa, & ipsam de novo dederunt, & concesserunt dicto Comuni Bibbonis, & Ejus Hominibus, & Personis pro tempore Trium Annorum qui intelligantur initium habuisse die Octavo Mensis Januarii nunc proxime praeteriti cum modis, & conditionibus, & salvis aliis ordinatis, & cum omnibus aliis Eis concessis, & de quibus superius continetur, & cum solutione etiam Librarum Centum Florenorum Parvorum facienda quolibet Anno Camerario Comunis Florentiae, ut in alia suprascripta continetur, & scriptum est.

Acta fuerunt praedicta in Civitate Florentiae in Palatio Populi Florentini presentibus Fratre Georgio Nuti Priore Hospitalis Sangalli, & Ser Iohanne Ser Viviani Notario, & Cive Florentino Testibus ad praedicta adhibitis, & vocatis. In quorum &c.

c. Simon Fabbrini Minister Archivii
Palatii Civitatis Florentiae.

NUM. XIV.

Sommessione di Donoratico alla Repubblica Fiorentina.

Ex Libro Comitatus Pisarum a c. 198.

CAPITULA DONORATICI.

IN DEI NOMINE AMEN. Anno Incarnationis Domini Nostri Jesu Christi Millesimo Quadringentesimo septimo Indictione Quintadecima secundum cursum, & morem Florentinorum die Decimo Mensis Februarii.

Ma-